

CEFTA u posljednje vrijeme stagnira

Neke od tema 3. Jahorina ekonomskog foruma koji počinje sutra su siva ekonomija, te regionalna saradnja

Kako bi se smanjio odliv radne snage iz BiH, prema mišljenju Aleksandra Ljuboje, člana Organizacionog odbora 3. Jahorina ekonomskog foruma koji počinje sutra, morase donijeti čvrsta odluka o promjeni privrednog ambijenta, a mora se raditi i na zakonskim okvirima.

Radna snaga

- Ono što je veoma bitno kad je radna snaga u pitanju je da moramo napraviti takav privredni ambijent koji će dovesti do povećanja broja investicija, da stvorimo nova radna mjesta kroz reformu fiskalne politike, sma-

Mislim da regionalnom saradnjom možemo barem tehničke stvari riješiti da bi se ubrzao protok roba, kaže Ljuboja

njimo parafiskalne i fiskalne nameće i time da stvorimo bazu i rezervu. Da bismo zaustavili odliv radne snage, moramo da povećamo broj radnih mjesta, da povećamo investicije i da proizvodimo proizvode sa većom dodatnom vrijednosti, ne samo poluproizvode i sirovine već i finalne proizvode sa visokom cijenom koje ćemo plasirati na inostrano tržište. Samim tim ćemo doći i do povećanja plata, što je ključno za ostanak ljudi, kazao je Ljuboja za Oslobođenje.

Na forumu će se na jednom od panela govoriti o sivoj ekonomiji, a Ljuboja se nada da će sve o čemu se bude razgovaralo, sve diskusije i prijedlozi, uticati na smanjenje sive ekonomije.



Aleksandar Ljuboja, član Organizacionog odbora JEF-a

- Mi smo tu temu provlačili i na prethodna dva foruma, istrajavamo i dalje na tome i smatramo da se vidi pomak u onom što smo napravili kad je u pitanju smanjenje sive ekonomije. Konkretno, prošle godine smo razgovarali kako smanjiti sivu zonu kad je u pitanju zapošljavanje. Mislim da smo uspjeli na taj način što je došlo do promjene u modelu subvencioniranja novozaposlenih radnika, što je uticalo na smanjenje sive zone, istakao je Ljuboja.

Saradnja

Medutim, centralna tema foruma će biti Regionalna saradnja kao važna poluga ekonomskog razvoja

zemalja JIE. Ljuboja smatra kako su zemlje Balkana već dugo čekale da postanu jedno ekonomsko tržište, te kako se nema više šta čekati.

- Postoji CEFTA koja je na neki način regionalna spona koja je trebala da doprinese većoj robnoj razmjeni, što ona i jeste učinila. Medutim, u posljednje vrijeme CEFTA stagnira. Jedan od razloga je ulazak Hrvatske u EU. Mislim da smo trebali puno više raditi da se carinske barijere umanje, da se ubrzaju komunikacija i protok ljudi, roba i kapitala, da se povezujemo i u operativnom smislu. Upravo je to i razlog zašto je tema Jahorina ekonomskog foruma regionalna saradnja, poručio je Ljuboja.

MINELA PAMUK